

Gunghcwngz:

Gagnyienh Fuzvu Haeuj Couhnieb Banggungz Cehgenh Bangcoengh Hoenxhingz Ciengq Duetgungz Gunggeng

Ndwen 3 ngoenz 5, youq Gunghcwngz Yauzcuz Swciyen Lungzhuj Yangh ndaw banggungz cehgenh dieggoek ndaem makhojlungzgoj, bouxgagnyienh Lungzhuj Yangh Seizdaih Moq Vwnzmingz Sizcenj Sizcenjsoj caeuq gunghcozdui cap mbanj guh cienhangh hozdung fuzvu couhnieb banggungz cehgenh haeuj mbanj, giethab couhnieb saenqsik, bangfuz cwnqczw, nungzyez gisuz doigvangq daengj, hawj bouxgunzhoj laeb dangj laeb gaj bae camgya hwnqguh banggungz cehgenh, ndaej youq bak dou couhnieb, giemgoq canhngaenz caeuq goqgya, dawz gagnyienh fuzvu cingsaenz “soengqhawj, doxgyaez, doxbang, cinbu” yungz haeuj ndaw hong bae, caencingq vih vunzlai gaj you gaj hoj, bangcoengh hoenx hingz ciengz ciengq duetgungz gunggeng.

(Liengz Veih/梁辉 Lij Mauyangh/李茂香)



▲Bouxgagnyienh caeuq nungzminz yawj go makhojlungzgoj.



▲Bouxgagnyienh daihhagseng cingq senhconz caeuq baizcaz.

Denzyangz Yifung Bouxgagnyienh Daihhagseng Hag Leiz Fungh Ok Rengz Bae Guh Hong Fuengzre Binghraq

Denzyangz Yen Yifung Cin bouxgagnyienh daihhagseng gaenxmaenx hagsib cingsaenz Leiz Fungh, doxcanj guh hong fuengzre binghraq mbanjranz, vih soujhoj ndangcangq ancienz vunz mbanjranz ok rengz bonjfaenh.

Fuengzre binghraq, bouxboux miz faenh. Daj haidaeuz guh hong fuengzre binghraq daeuj, aen cin neix gak mbanj bouxgagnyienh daihhagseng dauqma mbanjranz dawz cingsaenz hagsib Leiz Fungh guh baenz hengzdoengh saedsaeh, doxgaen gya haeuj aendoih guh hong fuengzre binghraq ndaw mbanj, youq henhoh ndei bonjfaenh baihlaj, camgya guh hong mizgven fuengzre binghraq ndaw mbanj, vih hoenx hingz ciengz ciengq fuengzre binghraq neix ok rengz bonjfaenh, baijlangh dangrap bouxcoz ciuhneix caeuq cingsaenz gagnyienh fuzvu. Gyoengqde gaenxmaenx fazveih ciuhneix daihhagseng sienfung mozfanz cozyung, lingxdaeuz senhconz, doidingj vahgyaj, bang guh baizcaz, bang guh rauniemh, cawjdoengh dangrap guh bouxhoenxcienq hoenx ciengz ciengq fuengzre binghraq mbanjranz, beixnuengx daengx mbanj cungj haenh gyoengqde.

(Vangz Gozswn/黄国顺 Vuj Vwnzdonh/伍文端 Vangz Yizyen/ 黄渝原)

Sanhgyangh:Bwhndaem Youzcaz Bang Duetgungz

Ndwen 3 ngoenz 4, gyoengq vunzmbanj Sanhgyangh Duncuz Swciyen Yangzhieh Yangh Hungzyenz Cunh cingq youq ndaw dieggoek guhyienh youhciz gauhyau youzcaz dajndaem hohleix go dinfaex youzcaz. Youq ndaw ciengq duetgungz gunggeng, Hungzyenz Cunh laebbaenz dieggoek guhyienh youhciz gauhyau youzcaz dajndaem 5 aen, menciz miz 686 moux. Gaenh bi daeuj, Sanhgyangh daezok aen gunghcwngz daezsang youzcaz, couhdwg yungh 3 bi seizgan, roengzngaenz 6 ik maenz, doicaenh dajndaem 36 fanh moux youzcaz binjcungj moq, yungh ciengj bouj fuengsik, bangfuz ranzungzhoj lienzbenq haifat dajndaem ndoeng youzcaz, ceng'aeu daengz bi 2020 nienzdae saedyienh youzcaz daengx bi canjciz 13 ik maenz.



▲Vunzmbanj cingq dajndaem youzcaz.

(Gunj Yicungh/滚亿忠)

Lungzswng: Seizciet Gingcig Guhhong Nyaengqnyij



▲Mehmbwk Hungzyauz cingq guh hongnaz.

Ndwen 3 ngoenz 5 dwg seizciet gingcig, Lungzswng Gak Cuz Swciyen guh ndei hong yawhfuengz gaemhanh sinhgvanh feiyenz, vixyinx nungzminz guh hong seizcin dajndaem, ndaw naz ndaw reih dauqcawq cungj raen nungzminz guhhong nyaengqnyij.

(Vuz Swnghbinh/吴生斌 Vuj Cunhyenz/ 伍春媛)